



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 71. Variæ Principum conversiones ad veram fidem.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII.
A. C. 1716.

§. LXXI.

Variae Principum conversiones ad veram fidem.

Clem. Epist. Inter plures, easque gravissimas calamitates, curas & molestias, quibus
pag. 2152. paternum summi Pontificis pectus afflictabatur, tandem grati nuntii felicitas internæ lætitiæ argumentum eidem
Elect. Jur. publ. t. 6. p. 209. t. 15. pag. 1709. suppeditabat; quippe Lotharius Franciscus Archiepiscopus atque Elector Moguntinus die decima octava Februarii summo Pontifici significabat, quod Augusta Dorothea Eleonora Principissa de Schwarzenburg Antonii Ulrici Brunsvico-Luneburgici Ducis Filia & Antonii Güntheri II. conjux potissimum præfati Electoris assiduo studio tandem relictis Lutheri commentis, quibus ab infantia innutrita erat, palam orthodoxæ veritatis cultum Erfordiæ in manibus Suffraganei susceperit: idem quoque præfata Princeps Pontifici suis litteris annuntiabat; quocirca Clemens Papa datis die septima Martii ad eam literis tantam Divini beneficii magnitudinem peramanter eidem gratulatus, pariter Archiepiscopum, postquam authenticum professionis solemniter emissæ testimonium Romam miserat, promeritis laudibus cumulavit.
Kern-Chron. An. 1718. pag. 263. Cont. Hist. Chron. pag. 86. Lib. 16. Cum

Cum autem ejusdem Principissæ Ma- Sæc. XVIII.
 ritus die vigesima Decembris Arnstadii A. C. 1716.
 improlis decederet, idque illa Ponti-
 fici literis trigesima ejusdem Mensis die
 datis significaret: Hic illam die vigesi-
 ma tertia Januarii consolatus, præci-
 pue dolebat, quod hic Princeps in suis
 erroribus mortalitatem exuerit, certio-
 rem tamen illam reddidit, quod ipsius
 rationes Imperatori vehementer com-
 mendarit, & propria sua offerens ob-
 sequia certam esse voluit, se minime
 dubitare, quin Cæsar pro eximia sua
 pietate omni ope & præsidio eidem ad-
 futurus sit. Augebatur Pontificis læ-
 titia, dum ex Cardinalis Christiani
 Augusti Saxo-Citiensis ac Cæsarei ad
 comitia Ratisbonensia Commissarii lite-
 ris die sexta Maij compererat, quod
 ad exemplum Friderici Augusti Caroli
 Poloni Regis Filii Mauritius Adolphus
 Carolus præfati Cardinalis Nepos, &
 Mauritius Guilielmus Saxonix Admini-
 strator & ejusdem Frater natu major
 ejurata Lutherana secta Catholicam fi-
 dem amplexati sint. Ex his prior hoc
 adhuc anno, alter vero nonnisi sequenti
 in Dominica *Jubilate* Lipsiæ palam fi-
 dei Catholicæ professionem emisere:
 cum autem hic simul esset Numburgen-
 sis Pseudo-Episcopus, mox Lutherani
 Capitulares, reservati Ecclesiastici jus
 sibi

Sæc. XVIII. sibi arrogantes, hunc Episcopatum va-
A. C. 1716. care declararunt, Ducemque coegerunt
 ut relicta Episcopatus administratione,
 Weidam Olsterlandiæ in terris hæredi-
 tariis sedem suam transferret. Post-
 quam vero præfatus Dux die decima
 sexta Octobris anno hujus sæculi decimo
 octavo Pegavii, ne Imperialis Directorii
 prærogativam amitteret, ad vomitum
 redierat, Episcopatus administrationem
 rursus quidem obtinuit, paulopost ta-
 men die decima quinta Novembris mor-
 billis misere periit.

§. LXXII.

*Principis Eugenii responsum ad Papæ
 literas.*

Postquam Eugenius Princeps unacum
 honorifico dono summi Pontificis
 literas receperat, debitas repensurus
 gratias hanc ad eundem dedit episto-
 lam:

„Post Dei Maximi clementiam piis
 „Beatitudinis vestræ excitatam oratio-
 „nibus, qua nuper arma Cæsarea con-
 „tra infensissimum Christiani Nominis
 „hostem ad Petro - Varadinum trium-
 „phare contigit, nihil mihi majus,
 „optatiusque accidere potuit, quam
 „gratiocissimæ Sanctitatis vestræ con-
 „gratu-